

Javni poziv

Procjena i jačanje organizacijskih kapaciteta (KULT/umPOKo® i KULT/POK®)

Institut za razvoj mladih KULT poziva nevladine organizacije da se prijave za učešće u procesu procjene i jačanja svojih kapaciteta kroz dva provjerena alata: KULT/umPOKo® (pojednostavljeni alat za procjenu organizacijskih kapaciteta) i KULT/POK® (napredni alat za procjenu organizacijskih kapaciteta). Poziv za prijave se objavljuje u okviru projekta „Smislimo, kreirajmo i usvojimo politike prema mladima“, koji finansira Evropska unija, čime se dodatno potvrđuje posvećenost EU podršci razvoju omladinskog sektora i nevladinih organizacija u Bosni i Hercegovini.

Kroz proces procjene organizacije će, uz stručnu podršku, mapirati trenutne kapacitete, identificirati prioritete za unaprjeđenje i kreirati plan razvoja. Institut za razvoj mladih KULT ima više od 20 godina iskustva u jačanju nevladinih organizacija u BiH i regiji, izgradnji održivih struktura i unaprjeđenju internih sistema rada. Poziv je namijenjen nevladinim organizacijama koje djeluju u omladinskom sektoru s ciljem jačanja kapaciteta omladinskih organizacija i organizacija koje rade s mladima.

Šta uključuje proces procjene?

- Mapiranje trenutnih kapaciteta i identifikacija ključnih područja za razvoj.
- Izrada personaliziranog operativnog plana jačanja kapaciteta.
- Stručnu podršku i mentorstvo tokom cijelog procesa.
- Preporuke i primjere dokumenata/procedura za unaprjeđenje rada.

Cjelokupni proces jačanja organizacijskih kapaciteta, u oba slučaja sastoji se od nekoliko faza:

- U prvoj fazi organizacije rade samoprocjenu svojih kapaciteta, odnosno odgovaraju na pitanja u okviru upitnika posebno razvijenih za ove alate.
- U drugoj fazi, paralelno sa odgovorima na pitanja, organizacije rade verifikaciju odgovora, odnosno dostavljaju dokumentaciju koja potvrđuje ocjene koje su sebi dali.
- Treća faza podrazumijeva proces procjene od strane Institutove stručne komisije, koja pregleda svu dostavljenu verifikacijsku dokumentaciju, te kreira set preporuka za razvoj organizacija.
- Četvrta faza podrazumijeva mentorsku podršku koju organizacija ima u periodu od šest do 12 mjeseci. U tom periodu organizacija radi na provedbi preporuka, kreiranju internih pravila i procedura uz kontinuirano podršku predstavnika Instituta.
- Peta faza podrazumijeva proces retestiranja, odnosno provjere napretka koji se dogodio kod organizacije sa kojom se radilo.

Koje su mogućnosti za učešće?

1) KULT/umPOKo® (pojednostavljeni alat) je online alat za (samo)procjenu organizacijskih kapaciteta namijenjen manje razvijenim organizacijama koje su u ranoj fazi institucionalnog razvoja i/ili nemaju razvijenu internu dokumentaciju i procedure. Ovaj alat se sastoji od tri kategorije i ukupno 29 pitanja.

Kriteriji za prijavu – KULT/umPOKo®:

- (a) Registrirana nevladina organizacija;
- (b) Budžet manji od 50.000 KM na godišnjem nivou;
- (c) Spremnost da se odvoji minimalno 5 sati mjesečno za razvoj internih kapaciteta organizacije.

- 2) KULT/POK® (napredni alat) – je online alat za (samo)procjenu organizacijskih kapaciteta namijenjen razvijenijim organizacijama koje već imaju kreirane određene interne dokumente, procedure i tim. KULT/POK® sadrži 14 kategorija sa ukupno 90 pitanja.

Kriteriji za prijavu – KULT/POK®:

- (a) Minimalno jedna stalno zaposlena osobu,
- (b) Budžet veći od 50.000 KM na godišnjem nivou;
- (c) Visoka motivaciju za razvoj internih pravilnika i struktura.

Kako se prijaviti?

Oba alata su u online okruženju, te se cjelokupni proces radi u digitalno. KULT/umPOKo® alat koristite klikom na link [OVDJE](#), dok KULT/POK® možete pristupiti putem ovog [LINKA](#).

Rok za prijave

Poziv ostaje otvoren do **30. novembra 2025. godine** ili do popunjavanja predviđenog broja organizacija. Sve pristigle prijave biće razmatrane odmah po dostavljanju, a organizacije će blagovremeno dobiti povratnu informaciju. Za sve zainteresirane biće organizirana online prezentacija detaljnijeg predstavljanja alata za (samo)procjenu organizacijskih kapaciteta i metodologije o kojoj će biti naknadno obavještene.

Povjerljivost

Svi podaci dostavljeni u procesu (samo)procjene tretiraju se povjerljivo i koriste isključivo za potrebe procjene kapaciteta.

Poziv se objavljuje u okviru projekta „Smislino, kreirajmo i usvojimo politike prema mladima“ koji finansira Evropska unija, a provodi Institut za razvoj mladih KULT u partnerstvu sa Regionalnim uredom za saradnju mladih (RYCO), Vijećem mladih Federacije BiH, Mrežom omladinskih centara za animiranje, razvoj i trening Republike Srpske (M.O.C.A.R.T.) i Asocijacionom srednjoškolaca u BiH.